



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Indictio, Acta & Decreta Synodi Diœcesanæ  
Paderbornensis**

**Diözese <Paderborn>**

**Nevhvsii, [1688]**

**Tit. XIV. De Superstitione.**

**urn:nbn:de:hbz:466:1-36013**

## T I T U L U S X I I I .

*De Jejunio.*

**J**ejunia animabus corporibusque curandis ab Ecclesia certis temporibus & diebus salubriter instituta decenter volumus observati, admonerique populum, cur sint indicta, nempe in expiationem & vindicationem peccatorum, & ut corpus ob intemperantiam cibi potusque luxuriosum castigetur, & in servitutem redigatur, quo animus vegetior ac liberior divinæ voluntati se subjiciat.

1. Porro annua Jejunia quæ in Diœcesi nostrâ observari volumus, hæc sunt, & quidem vigilæ singulis annis per totam Diœcesim nostram ab universis ætatem habentibus nec legitimè excusatis jejunandæ. Sunt autem præter Quadragesimam, & quatuor anni tempora, Vigilia Pentecostes, Nativitatis S. Joannis Baptiste, Beatorum Petri & Pauli Apostolorum, S. Laurentij Martyris, Assumptionis Beatae Mariæ Virginis, S. Bartholomæi Apostoli, S. Matthæi Apostoli, SS. Simonis & Judæ, omnium Sanctorum, S. Andreæ Apostoli, S. Thomæ Apostoli & Nativitatis Domini; Quæ si in diebus Dominicis, aut lunæ evenenterint, Sabbathis præcedentibus jejunetur. Quibus diebus à carnibus omnes abstinere, & unicâ refectione sub reatu peccati mortalis omnes contenti esse, nisi gravis labor, aut alia justa ab Ecclesia approbata causa excusat, obligantur.

2. In locis autem, ubi vel plura, vel strictrius observata fuerint, hortatur Synodus, ut piam consuetudinem observent.

3. Insuper in Festo S. Marci, quo supplicationes pro laudabili Ecclesiæ more fiunt, & in diebus Rogationum abstineatur per totam diem à carnibus.

4. Jejunia quæ vel indixit Ecclesia, vel usus communis pridem recepit, ab omnibus servi volumus: quorum rationem & modum diligenter explicabunt Parochi & reliqui verbi Dei Ministri.

5. Ceterum hortentur fideles Parochi, ut cum jejunant, non solum corpus à cibis delicioribus, verum etiam mentem à capitalibus vitijs cohibeant.

## T I T U L U S X I V .

*De Superstitione.*

## I.

**C**um recte moneat Sacrosancta Tridentina Synodus, ut omnis supersticio tollatur, docet hæc Synodus, omnem illum rerum usum esse superstitionem, qui sine verbo Dei & Ecclesiæ doctrinâ fit præscriptis aliquibus ritibus & observantijs, quarum rationalis causa reddi non potest, & fiducia in eis collocatur, certò exspectandi aliquem eventum, qui sine illis ritibus ex Sanctorum intercessione non speraretur, aut quæ in cultu Sanctorum ex temeritate ac quadam levitate potius, quam pietate & vera in Deum Religionefieri videntur.

2. Nemo ad morbos vel vulnera hominum aut brutorum curanda superstitionis remedij utatur, vel super rebus desperditis aut super futuris eventibus ac quibusvis secretis divinos seu pro divinis se venditantes consulere præsumat. Si quis aliquid horum fecerit & monitus non abstinuerit, mox pto seriâ correctione denuncietur.

3. Insuper hæc Synodus mandat omnibus Judicibus Ecclesiasticis, ut in exilium mittant vel mitti current omnes, qui super futuris eventibus alijsque secretis responsa dant, eosque qui tales consulunt, graviter puniant.

4. Et quoniam rudis populus scèpè ex ignorantia superstitionibus inquinatur, Parochi subditos suos diligenter de illis erudiant, & inter cetera superstitionum esse, exspectare quemcunque effectum à quacunque re, quem res illa nec ex sua natura, neque ex institutione divinâ, nec ex ordinatione vel approbatione Ecclesiæ producere potest.

5. Grave peccatum Deo valde injuriosum, & Republicæ imprimis noxiū est superstitionis, ad quam reprimendam & extirpandam serventur ea quæ Sixtus V. in Bulla cœli & terræ statuit.

## TITULUS XV.

### De Exorcismis.

I.

**L**icentiam exorcizandi à Nobis adeptus purâ & mundâ conscientiâ magnâque humilitate ac fide ad id muneris obeundum accedat, in ejusdemque functione graviter, piè ac religiose se gerat, nec verba Ritualis Romani nostræ agendæ excedat.

2. Mulieri Energumenæ Exorcismum adhibitus id præstet duabus faltem personis probatae vitæ præsentibus, ijsque, si fieri possit, Energumenæ consanguineis aut affinibus.

3. Quanquam Exorcismorum usus ex divinâ Institutione, Apostolica traditione & universalí Ecclesiæ consuetudine & præscripto, pro expellendis ex humano corpore dæmonibus, & dibus illorum infestatione liberandis, pro varijs damnis ac malis, quæ per tempestates, bestias noxias, venena vel quâvis aliâ ratione inferri solent, avertendis, utilis omnino sit & salutaris, eorumdem nihilominus abusus tot ac tanta peperit incommoda, ut non levis cautela adhibenda sit.

4. Quarè nullus omnino in Civitate ac Dicæcti nostrâ Paderbornensi posthac præsumat exorcizare, vel judicare, an aliquis sit, vel non sit obſeffus, sine nostra nostrivè Vicarij in Spiritualibus Generalis facultate per præsentes seu alias scripto obtentâ.

5. Ne verò nostra hæc inhibitio indigentibus incommoda sit, præsentium tenore permitimus Pastoribus ad curam animarum, & Pastoralia Saeramenta administranda nostrâ Episcopali auctoritate ordinariâ approbatis, ut in omnibus locis sui districtus Exorcismos adhibere queant.

6. Licentiam porrò Exorcismis utendi à nobis, vel ante dicto nostro Vicario adeptus, & deinceps adepturus, licet operetur in persona Ecclesiæ, & etenus ejus preces sint Deo gratae & exaudiantur, sit nihilominus purâ & mundâ cum primis conscientiâ, profundâ humilitate ac ferventi in Deum fide, & fiduciâ in divinâ tutela & ope, orationi & Jejunio alijsque sub ijsdem comprehensis pijs operibus deditus, quibus homo contrâ maleficia & dæmonis machinationes maximè præmunitur, ad id muneris obeundum accedat, in ejusdemque functione graviter piè ac religiose se gerat, nec alijs quâm Rituali Romano Dicæcti huic nostræ accommodato præscriptis utatur Exorcismis, precibus & cærimonijs, quantumcunque piæ & bonæ appareant, sine nostrâ nostrivè Vicarij supradicti permissione.

6. Non temerè credat Exorcista aliquem esse obſeffum, intoxicatum, aut locum infestum, aut Spiritum vagari, cùm cœcitas & credulitas hominum millies in ejusmodi vel errârit, vel malitiâ fraudem texuerit, ut frequens docet etiamnum experientia. Proinde neque facile adhibeat Exorcismos, nisi signis prudenti medicorum, suo aliorumque maturo Doctorum Judicio examinatis perspicue constet, esse Energumenum aut maleficio affectum &c. multò minus morbos hominum, pecorum languores, aut damna possessionibus illata statim incantationibus, aut maleficijs attribuat, nec homines dum id ordinariè existimant, in ista finat hærere opinione minimè vero confirmet, ne frustrâ remedia Ecclesiæ ad alios fines & effectus, quâm ordinata sunt, adhibeantur cum periculo contemptus, dum speratos effectus sed indebitos non producunt.

7. Quamvis evidenter cognosci nequeat, quando homo à dæmonie obſeffus, vel maleficio sit intoxicatus, certiora tamen mali prioris indicia sunt, si lingua peregrinâ pluribus verbis loquatur, vel loquentes intelligat, si scientiam legendi, scribendi, cantandi artificiosè sine prævia instructione